



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Sodalitatis B. Mariae Virginis. siue Exercitium Spirituale Christianae Pietatis

Véron, François

Coloniae Agrippinae, 1505 [i. e. 1605]

3. Quibus officijs colatur B. Virgo.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

PARS TERTIA.

*Quibus officijs contineatur cultus
beatissimæ Virginis?*

CVM beatissima virgo, Dei mater, huius Congregationis præses, patronaque sit præcipua, quam proinde præcipua veneratione, cultuq; prosequi debent sodales eius & filij, dicendum paucis videtur, quibus officijs cultus hic, & veneratio definiaur, vt qua ratione, quibusq; modis colenda sit, omnes intelligant.

*Decem Offi-
cijs B. vir-
go colitur.
1. Honor.*

Decem officijs cultus hic Deiparæ generatim cōtinetur. Primum autem est honor internus & externus. Internus in actu eo reuerentiæ voluntatis nostræ consistit, quo cū debita submissione, subiectionisq; recognitione, de ipsius dignitate, & excellentia conuenienter sentimus: esse nimirum illam maiori, perfectiori; dignitate & excellentia præditam, quàm quæuis alia creatura sit, vt propterea singulari animi demissione, ac summæ subiectionis recognitione eam creaturæ omnes admirari, & suspicere, & complecti debeant. Externus verò D. Virginis honor ex hoc interiori proficiscitur, vt nimirum exterius verbo vel quocunque officio testificemur & protestemur illius, quam interiorius, & mente

cog.

cognoscimus, maiestatem, dignitatem, excellentiam. Atque hic honor D. Virgini debitus Hyperdulja vocatur. Ex hoc primo fonte Christiani Officij in beatam Virginem, factum est, vt sancti Patres tam honorificis, tam excellentibus titulis, ac nominibus eam appellauerint, vt patet in Litanijis, quæ illi concinuntur, ad eam debitis præconijs, & laudibus honestandam.

Colimus deinde beatissimam virginē *2. Salutatio* salutatione ea, quæ verbis Angeli, & Elisabethæ, pro veteri Catholicæ Ecclesiæ instituto & consuetudine, continetur. Quam quidem salutationem aliquoties subinde iteramus, vt sæpius memoriam Redemptoris nostri, perduto mundo, tam latè annunciati refricemus, officiumq; quod tantæ matri, à nobis iure debetur, declaremus. Hinc Rosarium, eiusque recitandi ritus, de quo infra dicemus, emanauit.

Salutationi Angelicæ prouida mater *3. Est inuocatio.* Ecclesia Conclusionem eam adiecit, quæ apertam continet precationem; vt doceat B. Virginem à nobis inuocandam, opem illius, & suffragia nobis necessariò suppliciter imploranda: cum potissimum nihil tanta mater petat à filio, quod non impetret, cum nihil aliud petere possit, quod & illi gratissimum, & ijs quibus postulat salutare esse non sciat.

Coli-

4 *Ferijs sibi
sacris B.
Virgo colitur.*

5 *Templis,
Oratorijs,
& Altari-
bus.*

6 *Sacrificijs.*

7 *Votis &
promissio-
nibus.*

Colimus deinde B. Virginem statis diebus, & ferijs illi sacris, scilicet Conceptionis, Natiuitatis, Præsentationis, Annuntiationis, Visitationis, Purificationis, & Assumptionis, de quibus paulò infra dicemus.

Sed & templis, Oratorijs, Altaribus Deo primùm erectis in honorẽ & memoriam parētis sibi carissimę ipsam colimus, & honoramus.

Sacrificijs quoque; etsi enim sacrificium nullum B. Virgini immolemus, cum soli Deo debeatur; pro eius tamen B. parentis gloria, & in eius honorem noua, ac verè munda corporis Christi, & sanguinis oblatio ab tota Ecclesia in vniuerso mundo offertur. Vnde pij homines Sacra & Missas de B. Virgine à Sacerdotibus celebrari curant, non quòd sacrificium offerri velint Virgini, sed quòd offerri velint Deo in gratiarum actionem pro gloria collata D. Virgini, & vt simul eam interpellent tanquam Patronam, & Aduocatam, & Mediatrix suam apud Deum.

Adhæc votis illi nuncupatis, honorẽ tribuimus, non tantum quatenus Deo vouemus ex parentis eius Marię amore ac reuerentia, illam quasi testem obligationis, qua nos Deo obstringimus, appellantes, ac illius gloriosa & potenti intercessione statuentes & sperantes factam promissionem

exequi,

exequi, votumque dependere; sed etiam ipsum votum, & promissionem in ipsam terminantes; promittentes nimirum illi aliquid, actu non latriæ, sed hyperdulæ, adeius opem tanquam patronæ, aduocatæque nostræ apud Deum implorandam; vel in signum gratitudinis, quod per eam insigne aliquod beneficium ab ipsius filio Deo acceperimus.

Insuper & imaginibus cuiuscunque 8 *Imaginibus & statuis* generis, seu sculptis, seu pictis, seu in cōpitis & triuijs, siue alibi positis pio instituto *tuis*. & more B. Virginē colimus & veneramur.

Succedant his peregrinationes ad loca illi sacra, & miraculis celebria, quibus 9 *Peregrinationibus* mirificè & admirabili sæpè fructu à Catholicis B. Virgo colitur. Obseruatione autem & admiratione dignum est, nullam propè in Christiano orbe esse prouinciā, in qua vel templa, vel loca non sint mirandis effectibus, & miraculis illustria, ad quæ proficiscentes Christi fideles opportuno tempore misericordem Dominum per benedictæ matris merita, ad casus, & pericula cum corporis, tum animæ propulsanda non exorent. Obeundæ autem sunt eiusmodi peregrinationes fide integra, spe magna, caritate feruida, intentione purissima, spectato animæ fructu potius quā corporis.

Denique

*10 Erectis
in ipsius ho
morem Soda
litijs.*

*Cultus Vir-
ginis Ma-
riae præci-
pius in vir-
tutum eius
imitatione
consistit.*

Denique Sodalitijs colitur beata Vir-
go, quæ sub augustissimo ipsius nomine
instituta, diuini cultus, laudis virgineæ, sa-
lutisque propriæ amore, ac desiderio, ab ijs
qui illius veri esse cultores desiderant, pie
sancteq; frequentantur.

Cæterum præcipuus, & potissimus B.
Virginis cultus in virtutum eius imitatio-
ne consistit. Talis fuit Maria, ait beatus
Ambrosius, vt eius vnus vita omnium
disciplina sit. Quicunque ergo sibi Mariæ
optat præmium (dico ego) & Beneficium,
Mariæ imitetur exemplum. Quocirca vte-
rius virtutes, ac integerrimæ vitæ exem-
plum exprimere in nobis, vel adumbrare
saltem aliquo modo possumus, Meditatio-
num in totam eius vitam, puncta aliqua
proponemus, ex quibus amplissima &
meditationis, & imitationis materies e-
ructur. Quid autem sit meditari, & quis v-
sus eius, & fructus sit, infra dicetur oppor-
tuniùs.

PARS